

延慶縣志卷之二

城池

街坊附

橋梁附

圖

易曰王公設險以守其國書曰申畫郊圻慎固封守周禮曰城郭溝洫以爲固夫延慶爲居庸外衛北鄰邊塞南捍

神京設險之義曷可忽乎哉自明以來亦旣崇墉言言崇墉仡仡矣其坏城戒閭修鍵謹關又在牧土者之責即街坊橋道之廢興亦可以知其政之隆替爾故附焉

城 因元之舊明永樂甲午復設州治宣德五年陽武侯薛祿奉命補修歲久傾圮景泰二年知州胡璉請命副總兵紀廣率軍修築之城高二丈二尺周四里零一百三十步雉堞七

延慶縣志

卷之一 城池

一

尺堞口三尺五寸門三南曰奉北宣曰靖遠東曰致和天順七年知州師宗文守備指揮汪溶以磚石甃砌成化三年知州李薰千戶劉政甃砌俱中輟未竣嘉靖間巡按御史李公宗樞議完弗果二十七年之秋次年之春北邊大創城幾危奉文撥民夫修城添高七尺萬歷八年州守師嘉言奉文展修北城闊五十步周四里三百四十六步三十六年淫雨坍塌七處州守楊惟相督令士民包修開西水門曰西成四十四年州守宋雲霄吏目夏詔功奉懷隆兵備道胡公思伸修南關并新堡磚牆長二百二十七丈七尺角臺一座敵臺二座關門二座水門二座操守桂逢春把總田濟世督修我

朝因之現高三丈五尺厚一丈五尺至二丈不等周如舊式門四前牧祁前牧宋先後修補年久損壞現在估修

池 闊二丈深一丈餘景泰三年千戶劉政導沽河水環流城

下今東西城濠長一百九十二丈南頭寬十四丈深一丈六尺中寬九丈深一丈六尺北頭寬六丈五尺深二丈北面城濠長二百五十二丈東頭寬七丈六尺深一丈六尺中寬六丈五尺深一丈六尺西頭寬七丈深一丈七尺五寸西面南

面俱以河爲濠

按州治大河舊繞東南角每遇夏月靈雨山水暴漲城脚地臺不無坍塌雖加修不能保

固南關及西新堡居民近水甚屬可虞前牧宋永清集州人士議借旗圈地濬水南行遠城里許更樹堤以障衝決乾隆二年大水倖獲完固至今賴之

延慶縣志

卷之一 城池

二

舊志嘉隆間塞馬犯順調遣外路官軍護陵無復有兵駐劄本城縉紳父老每慨居庸之北屹立三城俱隣敵穴懷來設有遊擊永寧設有參將州城止操守一員官卑軍少五里孤城當敵不測之秋督撫按道諸臺閱此不知何如其隱憂也

永寧衛

城 舊治團山下無城金爲州之神峯鄉至明初州廢徙其於關內永樂十一年置縣遷民以實之宣德五年陽武侯薛祿統兵至境始築城周六里十三步高三丈五尺門四東曰迎暉西曰鎮寧南曰宣恩北曰威遠正統間以磚石甃砌嘉靖四十二年重修增四尺有奇萬歷二十七年四門傾壞參將

張國柱設處重修建四麗譙各塑文昌元武關侯神像所費不貲我

朝因之高周俱如舊式屢有修葺

池 與城稱之東門外倍加深濬因居民少也

柳溝城 明隆慶元年築詳見邊防

岔道城 舊爲州之聚落本無城明嘉靖三十年以警報頻仍議爲護關縮守之計始築詳見邊防

四海冶城 元時入上都通衢創於明天順八年詳見邊防

周四溝城 創於明嘉靖十九年詳見邊防

靖安堡城 舊夷地明嘉靖二十九年展入內詳見邊防

延慶縣志

卷之一 城池

三

劉斌堡城 離邊七里明萬歷二十二年築土城周二百四十六丈高三丈五尺

黑漠嶺堡城 明嘉靖三十一年築隆慶四年甃磚周二里十丈六尺高三丈五尺

街坊附

和睦街 通致和門

宣化街 抵延壽寺

阜成街 通奉宣門

雍順街 通靖遠門

澄清街 東通察院

儒林街 南通儒學今俗名小十字街口南名下灣

昌平街 在和睦街前

育秀街 在昌平街前今俗名城隍廟街

永安街 在阜成街前今俗名觀音堂後

澄清街 在永安街前今俗名蘇家街

成賢街 在澄清街前今俗名豆腐巷

咸寧街 北通崇文街今俗名小十字街口北名三義廟街

里仁街 在和睦街後今俗名殷家街

純化街 在里仁街後今俗名孟家街

延壽街 在純化街後今俗名藥王廟街

延慶縣志

卷之一 城池

四

懷仁街 在和睦街後今俗名東嶽廟街

景仰街 在懷仁街後今俗名小井

小隱街 在景仰街後今俗名狗屎街

崇文街 西通遺愛橋今俗名楊家街

承化街 在阜成街前今俗名西溝

武定街 在宣化街後今俗名草場街

禮讓街 在雍順街後今俗名風水牆

樂善街 在禮讓街後今俗名三清觀

中實街 在樂善街中今俗名康家街

正義街 在成賢街後今俗名南大寺門口

守誠街 南通文廟前北通崇文街

待理街 南通宣化街北通樂善街

舊志州之街乃尚書趙公所畫居軍民者分陰陽意亦微矣

此先達蘇公聞之父老者內和睦街宣化街乃東西阜成街

雍順街乃南北稱十字大街居民稠密舖市叢積雖貨自外

方來婉一富庶之鄉雍順後街乃近修新街

按舊志州舊有集致民聚貨逢

十日集昌平街逢四日集南關廂逢十日集澄清街逢二日集宣化街逢八日集和睦街分五街貿易有老人以治其爭

物價低昂與時消長其來遠矣今諸集俱廢惟雙日集於城之適中鼓樓下之四街

玉殿傳宣坊 為鴻臚左少卿劉儒立

幙陽雙鳳坊 為舉人塗雲路劉九澤立

延慶縣志

卷之一 城池

五

尚書坊 為尚書李衍立

進士坊 為進士辛禮范慶劉章立

都諫坊 為吏科都給事中黃鍾立

都憲坊 為都御史黃鍾立

恩榮坊 為監察御史聶友良戶部主事李瑤立

橋梓聯芳坊 為進士蘇明子乾子舉人翰立

恩榮坊 為進士劉繼祿立

按舊志所載今廢無考

肅察貞度坊 在南察院門左右

迎恩坊 在南關廂迎恩詔於此

五桂坊 為進士李瑤舉人董寧楊英曲真汪昱總建坊於南

關廂

恩榮坊 為進士李瑤立

總制坊 重修李衍飛騰坊改建

恩榮坊 在昌平街為進士聶友良立

繡衣坊 為監察御史聶友良立

擢桂坊 在昌平街為舉人呂翔立

武秀坊 為千戶辛剛子舉人禮立

恩榮坊 為進士辛禮立俱在和睦街

文奎坊 為主簿郭慶子舉人宏立

世榮坊 為知縣范瑄子舉人慶立

延慶縣志

卷之一 城池

六

攀龍坊 在雍順街為舉人劉章立

恩榮坊 在雍順街為進士劉章立

鵬程坊 在雍順街為舉人尙輔立

登雲坊 在和睦街為舉人張鸞立

貞節坊 為旌表聶明妻秦氏立 按舊志所載今盡圮廢無考

王節婦閻氏坊 在大營堡 旌表建坊

貞節坊 在昌平街乾隆六年為賀文元妻唐氏建

貞節坊 在和睦街乾隆六年為劉琪妻張氏建

貞節坊 在州西北八里白廟村乾隆四年為節婦胡氏建

永寧衛

善政街 在城東舊屬左衛

廣武街 在城西

阜民街 在城南舊左屬左衛右屬永寧衛

拱極街 在城北舊左屬左衛右屬永寧衛

終食屯衛衛舊屬永寧縣

舊志四隅頭以東大小衛衛十五道屬左衛地方以西大小

衛衛十七道屬永寧衛地方

善政坊 在東街

廣武坊 在西街

阜民坊 在南街

延慶縣志

卷之一 城池

七

拱極坊 在北街 以上四坊俱明正統年建

師中三錫坊 在演武廳明萬歷二十七年參將張國柱建

聖母行祠坊 在城西北隅明萬歷十七年知縣趙爾守建

忠靈洋溢坊 在城北門外

尚書坊 都憲坊 俱在終食屯爲兵部尚書羅通建

文魁坊 爲明甲子經魁陳詠立

光英坊 爲明丁酉舉人王惠立

桂林一枝坊 爲明甲子舉人周鳳立

高崗鳴鳳坊 爲明戊午舉人胡忠立

貞節坊 爲節婦吳氏立

貞節坊 為節婦羅氏立 按永寧縣舊志
所載今多圯廢

雙壁齊名坊 在北街為節婦李氏立一面題貞儀並著為節

婦國氏立

高岡鳴鳳坊 在南街為戊午科舉人胡忠立

雙壁齊名坊 為吳士宏孀母李氏立

橋梁附

遺愛橋 在北門內舊有遺愛坊

惠濟橋 在州北門外

王家莊橋 在州西三里

長里營橋 在州西十六里

延慶縣志

卷之一 城池

八

來遠橋 在奉宣門外

承恩橋 在南關門外

廣濟橋 按舊志在州城南夏月水漲橋木推蕩壞民園圃知

州李真命工架木覆土頗為完固尋復衝壞嘉靖八年義官

楊琛捐已資百餘兩為之倡既而州民競以車牛米粟助之

為石橋十空僧德徐亦募眾樂輸規模大備今廢

普濟橋 在東門外

岔道橋 在州南二十里

三里河橋 在州北三里

田宋營橋 在州北十五里

通濟橋 在州西北半里許按舊志在州西沽河架木覆土秋

每淤陷嘉靖間知州馮宗龍甃以石

獅子營橋 在州西北十五里

下板橋 在州西北十二里即舊志板橋

善人橋 在州西北十五里按舊志小河屯下流爲懷永北路

通衢近媯河泥陷難行舊有張苦仙創建小橋後州民焦允

中募工完修

屠家營橋 在永寧城西三里

屠家營北小橋

孤山橋 在永寧城西十里

延慶縣志

卷之一 城池

九

龍騰橋 在終食屯龍王廟前俗名獨石橋乾隆六年三月初

五日大風摧樹幹巛損見在修理

碧霞橋 在終食屯泰山行宮前

泮橋 在櫺星門內

昇仙橋 在三清宮內係新設

公署

養濟院附 漏澤園附 圖

國語曰卿大夫朝考其職畫講庶政夕叙其業又曰署者位之表也涖官行法匪此弗肅是故自卿大夫以至於牧宰考職行法必有聽政之所也禮記曰諸侯之堂七尺大夫五尺士三尺明其等威耳蓋公署之制所關綦重而恤窮掩骼又王政之要故志公署附養濟院漏澤園於後子民者其可忽哉

州署 在州城中稍西初自明永樂十二年知州陸震權爲草舍以涖事宣德九年知州楊賓始易之以瓦規制苟完正統十四年敵騎犯邊人民驚潰州廳悉毀於火止存儀門三間景泰二年民始復業成化三年知州李鼐始鳩工聚材鼎建

延慶縣志

卷之一 公署

維新視昔規模廉隅整飭矣知州宋雲霄捐俸修葺

大門三間門外左有承流坊右有宣化坊內東寅賓館二間土地祠一間俱有坍塌

儀門三間東西脚門各一間

大堂三間扁曰仁愛正中懸

欽賜知州宋永清詩額前爲月臺中爲甬道堂東庫房二間舊有西庫房二間今廢甬道東科房七間西科房六間東有儀仗庫三間今廢東西公廨各三間今廢

二堂三間東角門外通東書房再東即馬號馬房五間

三堂五間

內宅五間東西廂房六間

東書房五間舊係住宅日久坍塌乾隆元年知州李鍾俾捐俸修葺疎檻明窻短垣曲徑前有小亭可以眺山可以聽鳥可以酌月可以詠花殊多幽旨總其名曰柳居扁其室曰退思署中有八景曰曲徑堆紅曰柳居曉翠曰層臺遠眺曰茅亭夜月曰槐蔭午風曰西園滿綠曰小院荷香曰雕梁燕語俱李牧所品題也

西書房十六間南三間爲接見賓客之所前有隙地蒔以山花亦多雅趣

東廚房三間在二堂東偏

延慶縣志

卷之一 公署

二

東門房二間在二堂前

東小房一間

西小房一間

申明亭在州治之左置紅牌事例於中各隅屯老人一名輪流值日久廢

旌善亭在申明亭右久廢

醫學在州西久廢

陰陽學在醫學右久廢

吏目公署 在州署西北二門二間東西房五間正廳三間書房二間正房三間東西廂房六間監在州署西幕署南禁子

房一間獄神祠一間監房七間

把總公署 在城西北武定街雍正六年建共房十一間

所治 在城東北隅明景泰四年守備杜俊千戶李麒劉政勦

建成化末改守備廳嘉靖中守備余寧修移所治於左千戶

傅澄勦建今廢

南察院 在州治東澄清街監察御史按治之所明永樂間州

牧陸震勦建正統間州牧古節修成化間州牧李鼐重修共

二十四間後罷按巡久廢

西察院 在州治西明嘉靖間勦建共四十間久廢

按察司 在和睦街原係守備廳共二十七間久廢

延慶縣志

卷之一 公署

三

預備倉大門一間官廳一間原廩十二座共四十一間天字

號地字號二座共廩六間久經坍塌壞今現存廩神廟一間天

字廩三間地字廩三間宇字廩三間常平廩三間日字廩三

間俱在州署東州牧李鍾俾節經修葺堅固

軍儲倉大門三間官廳三間廩神祠一間原廩十五座州牧

宋雲霄捐俸重修天字盈字新字三廩十八間久經坍塌壞今

現存廩神祠一間元字廩五間廣字廩五間阜字廩四間盛

字廩四間天字廩六間日字廩六間豐字廩五間宇字廩五

間大門三間看倉房三間在城東南州牧李鍾俾節經修葺

堅固

懷來廣阜倉

馬營廣盈倉

龍門倉

龍門廣盈倉

獨石廣積倉

鴟鶚堡倉

長安嶺倉

赤城廣備倉

雲州倉

永寧倉

岔道倉

四海冶倉

以上十二倉收支官吏起送給由俱赴本州收放錢糧惟勘

明給文赴部

按舊志所載今俱廢

永軍衛

都司公署 在鼓樓西明永樂年間為叅將署

延慶縣志

卷之一 公署

四

國朝順治七年改為都司署

大門三間外東贊武廳二間鼓樂樓二間西軍牢房二間砲

臺二間

儀門三間東西脚門各一間

大堂五間東西房各三間

二堂五間東西房各三間後有 關帝廟一間

東宅正房三間東西房各二間

前院正房三間東書房二間

後碾磨小房七間

西馬神廟一間東西馬房各三間

再西箭道一處每遇小操在內

巡檢司公署 在左衛衙衙即左衛署基乾隆三年初建大門三間大堂三間二堂三間後住宅正房三間東廂房二間

千總公署 在右衛舊基乾隆二年建大門三間大堂二間後住宅正房三間東西廂房各二間

舊縣署 在城東北隅明宣德六年知縣劉睿初建成化三年知縣高翔重修萬歷十七年知縣趙爾守增修後裁縣署廢國朝康熙年間廩生胡向恪生員李之杰等倡義改建 文廟乾隆五年恩貢閻正陞王典補修告竣春秋本地紳衿公祭叅將署 在城西街明永樂二十一年建今改爲都司署

延慶縣志

卷之一 公署

五

中軍署 在城東南隅明宣德七年建今廢

永寧衛署 在城西門內掌印正廳軍正廳巡捕廳經歷司四千戶所明宣德五年建今廢

延慶左衛署 在城東南隅掌印正廳軍政廳巡捕廳經歷司五千戶所明宣德六年建今廢

演武廳在永寧東門外明宣德七年建萬歷二十八年叅將張國柱增修正廳五間卷棚三間後廳三間將臺一座東西

軍房六間今多坍塌

四海冶守備署 在本堡明天順八年建

黑漢嶺防禦署 在本堡東明嘉靖二十九年建今廢

周四溝守備署 在本堡東明嘉靖十九年建

營盤口把總署 在營盤口

劉斌堡署 在本堡明萬歷二十年建今廢

靖安堡守備署 在本堡明嘉靖二十九年建

千總署

柳溝守備署 在本堡明嘉靖三十年建

外委把總署 二處

岔道守備署 在本堡雍正十三年七月本州奉文遵

旨建共十五間

岔道把總署 在岔道東門外大路北邊共房九間

延慶縣志

卷之一 公署

六

千家店防禦署 在口外

察院 在縣東街明宣德六年建二十八年叅將張國柱增修

屬左衛地方共二十九間

東察院 在縣東屬左衛地方

後察院 在縣西北屬永寧衛地方今改建斗姥宮

四海冶前察院 東察院

西察院

靖安堡察院 後察院

周四溝察院 以上俱舊志所載今廢

預備倉二間 撫夷倉二間

祿米倉二間

紙贖倉二間

永寧倉 在縣東北隅明宣德六年建

四海冶倉

黑漢嶺倉

靖安堡倉

周四溝倉

義倉

舊縣義倉

永寧急遞舖在縣西

隅頭東地方更舖六座屬左衛

隅頭西地方更舖六座屬永寧衛

惠民藥局在縣西知縣趙爾守建

以上按舊志所載後因裁縣改衛半屬坍塌廢僅志遺制以備後之參考

延慶縣志

卷之一 公署

七

養濟院附

養濟院 在西門內街北明州牧李鼐勅建嘉靖六年州牧梁綸重修正房三間廂房十間門樓一座年久坍塌今現存瓦房四間土平房七間永寧養濟院在東門內街南房四間乾隆三年知州李鍾俾修建舊在城西北隅

漏澤園附

漏澤園 一在州城南舊無義塚明萬歷丁巳歲州牧宋雲霄捐俸三兩買州民郎應科高阜地二畝豎碑碣立界柱枯骨得以深藏游魂有所依憑矣 一在永寧西門外明時知縣趙爾守建

學校 社學義學附圖

延慶當勝國之初科甲蟬聯頗稱禮樂之邦嘉隆間累經兵燹城郭幾虛宮牆殘毀故舊志云學士家以治生爲亟甘拋筆硯科第寥寥後雖含噓休養而太和之終於虧我

朝定鼎以來仁漸義摩教養兼隆人文蔚起若鼓勵化行弦歌益盛是在秉鐸加之意耳

儒學 在城東南明洪熙元年州牧楊賓請建惟大成殿覆之以瓦亦甚湫隘兩廡堂齋等屋皆構草爲之正統九年州牧王銘重修易以瓦十四年塞馬犯順士民驚潰幸弗燬於火然日就頽廢成化三年州牧李肅撤其舊而新之鎮守懷來

延慶縣志

卷之一 學校

永寧等處太監弓勝叅將陰傑永寧守備王宣馬剛本州守備汪溶樂助有差有民人姚祿發地得白銀五十兩不願私已以助工資於是先廟而兩廡而櫺星而戟門次第如式後從事於學明倫有堂講肄有齋神有厨庫師有公廡士有號舍庖湏之屬莫不畢備棟宇翬飛藻繪煥發甲於他郡萬曆初州牧王銳築崇基高正殿建尊經閣鄉耆民安洪劉極吳雲焦士陽杜文輝督修三十一年州牧王大益重修義官屈尙仁民趙世爵曉夜督工勤勞膺獎

國朝節經修葺年久傾頽知州李鍾俾現今估計請修

櫺星門二間外雲路天衢坊一座左有德配天地坊一座右

有道貫古今坊一座

大成門三間

大成殿五間兩邊房四間東西廡十四間東西齋房十間

明倫堂門一間東西號房十八間

明倫堂五間

敬一亭三間

啓聖祠三間

名宦祠四間內祀明尚書趙公諱玘知州初公諱賢知州李

公諱薰知州程公諱應登

鄉賢祠四間內祀明尚書李公諱衍都御史黃公諱鍾御史

延慶縣志

卷之一 學校

二

聶公諱友良知縣蘇公諱翰節孝生員孟公諱周行誼高潔
房公諱敏

東儒學門三間學正公廨九間

西學門二間訓導公廨六間久廢今訓導署在城東北隅崇

文街

順治九年刊立臥碑於學宮十六年奉

旨裁併小學以懷來衛學附併延慶州學

康熙二十六年令懷來永寧保安三衛照密雲延慶二衛例仍
各取進童生八名其補廩增出貢俱照各縣例至三衛學務
令保安延慶教官兼攝

附舊會典開載教諭昕夕坐於堂上鳴鼓諸生升堂已乃退就舍訓導進諸生於齋日誦讀焉及夜諸生就舍誦讀學官時臨視之三六九日講書作文如約月朔望州官率學官及諸生謁先師廟畢進諸生於堂講學學官率諸生詣州官揖退乃就學凡進表慶節習儀迎詔釋菜鞭春鄉飲上任習射習冠俱於學擇諸生之優於禮者贊行之每祭祀諸生隨州官致齋如約每歲正旦端午重九冬至許諸生假諸生有期功服許假諸生每歲復其身人二丁田二十畝

國朝人一丁鄉試會試中式者與貢者籍其名榜於明倫堂

延慶縣志

卷之一 學校

三

唐制上縣弟子員四十人中縣中下縣三十五人下縣三十人宋無定員崇寧間以費廣難贍今照見籍三分而汰一明洪武初著令縣學二十人日給廩膳宣德三年增廣二十人正統十二年於常額之外復增附學無定數

國朝延慶科歲兩試取進新生三十六人每歲食廩者三十人增廣生三十人附生無定數

明洪武初令師生廩食月米六斗後復令日米一升魚肉鹽醢之類皆官給之十五年定廩膳月米一石正統令有司僉與膳夫二名

國朝順治初年每廩生歲給糧銀一十二兩膳夫仍舊今廩膳生

季給米一石

永寧舊縣儒學 在城東北隅明正統元年建成化二年按院重修萬曆十三年知縣王玉汝申文重建十四年叅將黃明臣十八年知縣趙爾守改建於原址之東三十年知縣李體嚴續修告成明倫堂五間博文齋三間約禮齋三間尊經閣一座射圃亭一座儲賢育才坊二座教諭宅一所訓導宅一所後因裁縣俱廢

國朝康熙年間永之紳士議將舊署改建 文廟以便就近丞嘗焉廩生胡向恪增生李之杰等遂鳩工庀材相度經營於乾隆五年始獲告竣規制略備春秋本地紳衿公祭殆亦覘士

延慶縣志

卷之一 學校

四

風之淳歟

社學義學附

天字號社學 在靈照寺西

地字號社學 在西水門東

人字號社學 在眞武廟西

紅寺屯社學

雙營屯社學

新莊屯社學

西桑園社學

下板橋社學

泥河屯社學

榆林屯社學

舊志隆慶雖僻壤然山川孕靈敢謂草野之中無秀民乎前太守李公勗學於各鄉七十年來勢隨時變其所勗者今皆無之矣即鄉間子弟有可以讀書者然遠於城市投師孔艱此庠中弟子所以常不盈百員也猶志之者存餼羊也

永寧衛社學 在衛東

終食屯社學

周四溝社學

黑漢嶺社學

延慶縣志

卷之一 學校

五

四海冶社學

靖安堡社學 以上俱廢

復設義學 在州東南育秀街文昌祠內知州李鍾俾泣任後捐俸延州廩生饒裕訓課州民之子弟其已經入泮者因訓導方世熙學問優裕教訓有方遂各就受業見在義學內生三十餘人

泥河義學 在泥河監生段應龍捐資設立延師訓徒負笈者甚衆每歲館穀俱應龍捐給知州李鍾俾給有義隆樂育之額